



## Аьрасат Сириянавусса дяъвилул иширттаву гьуртту шаврил х1акъиравусса ВСМУ-рал баян баву

**Рах1му бусса, цими бишайсса Аллагь бюхттул хьуннав! Барачат бишиннав ва ссалам хьуннав аьламирттан рах1му ликкан буьлай гьан увсса Идавсин ва циняв ганал уссурвавра-идавс туран ва набитуран, мукун ма дак1 марц1ну Къиямат рал къиннин ганал хьирив бавчуминнав!**

**Х1урмат лавайса Щалагу дуняллул бусурмантурал аьлимтурал союзрал члентуран ( ми аллагьнал буруччиннав). Зун бакъаву, Аллагьнал рах1му ва К1анал барачат ч1а т1ий.**

Аьрасат Федерациялийсса жул вакилнахъхун буллусса жул чагьарданунсса жуламур пикри укун бувч1ин бан чай ура:

1. Щала дуняллул бусурмантурал аьлимтурал союз (ВСМУ) щала дуняллийсса ац1азахъул бусурмантурал аьлимталгу, ац1рахъул дуняллийсса ассоциациярду ва сакиншиннардугу чач1ун дуресса дуняллул организацияри. Мунил ххуйсса ара дуссар Аьрасатнацал, мунил Палестиннал масъалалува аьрабнал ва бусурмантурал чулухуннайсса арагу, муниха лавхъхусса цайми иширттаву арагу хьинчулиннайсса дуну т1ий.

Жу хьин чулий ккавкссия Совет Союз касакирттайх дач1айхту Аьрасат дуняллий хьинну агьамсса политикалул х1укмурду буллалисса аралийн дуч1аву. Хьул бивхъуну буру, Аьрасатнал кабакьланшиврий бусурмантурал миллатирттан, цанчирча, низамру дуч1айссар ва лагайссар, миллатру ва минналувх1анийсса ххуйхуншивуртту лич1айссар.

2. Зун тасттикь буьлай буру, ВСМУ душиву дянивсса аралий дарц1усса союз, жул мурадгу ца бушиву- бусурмантурал ва цайми инсантурал мурадирттан кумаг буллалаву. Аьрасатнацал жу зий буру ва гихунмай зунт1ий буру бусурмантуран хьинмуниха, микка саргьунсса ара шавриха.

3. Жува Аьрасатнаву гьуртту хьанай бивк1сса циняв конференциярдай жу къулагъас дуллай буссияв бусурманшиврийсса уссурвавра бюхъайсса кумаг бавриха ва мудан оьккишиврий ккаккан буьлай буссия гуж ишла буллалаву ва террор. Жу итадаркьссар фатварду, бусурмангал яхъанхьисса республикарду дяъвилул биляятру къахъанай, дакъаврил биляятру хъанхьиву ккаккан буллалисса. Муняту микку бусурмантуран ва бусурмантурацал бакъуну бик1ансса, дяъвирду



къабуллансса къут1и дусса инсантуран дяъви баян буллан къабуч1иссар.

Мукунма, ми республикарду дяъвилул биляятри т1исса бьвкьусса пикри бусса жагьилсса инсантурая жу т1алав барду гуж ишла буллалаврия махъунмай хьун, цала пикри баххана бан, жьаматравун занабик1ан ва цала буттал к1ану ххуй бавривух гьуртту хьун, цала бут1а бишин. Лавайсса къуллугьирттайсса каялувчитал мук1ру хьунни, ВСМУ-рал дуресса даврил кумаг бушиврий Аьрасатнал регионай мюхчаншиву ва саргьуншиву цаьк дан.

4. Жу бувч1инсса куцуй аьй дарду ИГИЛданий. Ккаккан барду, му организациялул "Исламрал халифат" дарду, дуллай буру т1уг1аву цукунч1ав бакъуну бакъашиву шариатрал гьанурдац1ун ва жула ч1умул шарт1ирдац1ун. Му за жу к1иц1 лагарду, мисалларан, "Умеренность в религии-путь к миру, добрососедству и прогрессу" т1исса Дуняллул халкъуннал дянивсса диндалул конференциялий, 2015ш.майрал 14-нний Ингушетиянал хьун шагьру Магасрай хьусса.

Щялусса халифат ИГИЛданул ялун ххяхлаххисса хасият ч1алай, мунил азахъул инсантал оьрмулуц1а буллаливу ва миллионну инсантурал оьрмурдан ва мюхчаншиврун ниьгач1аву дуллаливу ч1алай, жун т1айлану бувч1ай бур, ИГИЛ-данул ва бувкьуну яхъанхьисса инсантал лит1лат1исса, миннай гуж буллалиминнал чулухасса гьалакуну ялун ххяхлахавуртту духлаган дун, Аьрасатнал ва цайми биляятирттал гуж ишла буллалаву. Бувч1ай бур му террорданул организациялул боевиктал яла Аьрасатнал аьрцарайнгу бук1лан къабитан ччисса Аьрасатнал бурукин.

5. Бусурмантурач1ан ва Аьрасатнал Федерациялул инсантурач1ансса жула ччавулийн чул бившуну, жун дак1 нийхтуну ччай бакъар Сириянаву Аьрасатнал инсантал лит1лай. Жул пикри Аьрасатнал пикрилуц1ун къабавкьуну багълай буссия анжагь Башар Асадлуцал къабакълакьиминнай. Жул пикрилий, Сириянал халкъуннахь дуссар щала ихтияр му аххана ан. Амма, мунищал жу зуцалгу рязийру, каялушиву дуллалима аххана уллан аьркиншиврий так Сириянал халкъуннал, цайми биляятру х1ала къабувххун. Жу ххарину буру, Аьрасатнал цайми биляятирттацал чач1у политикалул ххулуляхълай бушиврия, сириянал халкъуннал цала биялалий тархъанну цала хьунма увч1инсса.

Жул хьхьич1мур баян баврий рязий бакъашиву дуссия анжагь сириянавусса инсантал куннайн кув данди бац1авривун къат1атуми х1алабуххаврил х1акъираву, дяъви буллалавугу х1алану. Му хаснува ниьгач1исса ишри, цанчирча ссавруннай ххяхлан бик1айхту, бакъусса инсанталу лит1лан бик1ай. Ва ишираву жу ххарину буру, Аьрасатнал МИД сириянавусса махъ бувч1айсса оппозициялуцал уртакьну зузаврих лу дуну т1ий.

6. ВСМУрал пикрилий Аьрасат бур бусурманнал биляятирттан агьамсса гьаламачу. Исламрал гьаламачу турал организациялулу мунихь дур ургалал ихтияр ва мунин ччай бур к1иц1 ларгсса Организациялуцал ххуйсса ара дачин дан.

Жун ччива Аьрасатнал Федерация чялишну гьуртту хьанай Сириянаву мюхчаншиву ва паракъатшиву ц1у дуккан давриву, му биляятрай инсантурал дурч1усса власть шавриву, му власть сириянал агьалинал чулухасса дусса, диктатортурал режим дакъасса, яницала биляятрайсса инсантал лит1лат1исса властью, ИГИЛгу, "Аль-Каидагу" къахъанхьисса.

Аьрасатнал ва Аьрасатнал бусурмантурал мурадру щаллу буллалисса документру къамул байни бувч1у-къабувч1урду къахъананшиврул, аьркинни цал маслих1ат ккаккан ва ххалбигьавуртту даван Аьраствавусса бусурмантурал аьлимтурацал.

Дуняллул Заллу, Аллагь бюхттул хьуннав!

**Шайх-д-р Аьли Мух1и ад Дин аль-Къарадагьги,** ВСМУрал Генеральный секретарь, фатвардал ва хьирив лаявурттал Европанал советрал вице-президент.

## Хушрай канийн уч1арча

Ц1анасса ч1умалгу чансса жагьилтал бакъар ярагьуннил балгусса формованиярдавух бьйкьусса пикрилий х1ала бувххусса. Минनावугу къачанни муния махъ бак1рай бавц1ун, ми къюкьрава буккан ччимий, амма микка зана хьуну махъгу танмих1райн к1унк1у буванссару т1имий. Миннан к1улну бик1ан аьркинну бур АьФ-лул УК-лул 208 статьярайн бувну танмих1райн к1унк1у къаувайсса шарт1ру душиву. Масала, АьФ-лул УК-лул 208 статьярал бувч1ин баврийн бувну хушрай къаритарча ми формованиярдавухсса гьурттушинна ва цач1авасса ярагь буллума уголовныйсса танмих1рая махъаллил айссар, агарда ганал т1уллува камур журулул преступление дакъахьурча

АьФ-лул Верховный Судрал 2012-ку шинал февралланул 9-нний къамул бувсса "О некоторых вопросах судебной практики по уголовным делам о преступлениях террористической направленности" т1исса х1укмулул 30 пунктрайн бувну ярагьуннил формованиярдавусса гьурттушинна хушрай къаритарчин ккаллиссар агарда гивусса гьурттушинна цала биялларайну къаритаву, формованиялул иширттавухсса гьурттушиннаран аьркиншинна дунува.

Ярагь тапшур бувмину ккаллийссар агарда властью органнахъхун цач1авасса ярагь буллума, ягу ми ярагь ябуллалисса к1анттурду ккаккан бувма.

Ярагьуннил балгусса формованиярдавух гьуртту хъанхьима, мунай бивхъусса буржирдайн бувну ярагь бакъасса ухьурча, мугу танмих1рая мурахас увайссар, агарда цува хушрай увк1уну, властью органнахъ цаятува бусарча.

Ялув к1иц1 лавгумунийн бувну ихтияр дакъасса ярагьуннил балгусса формованиярдавух х1ала увххума уголовный танмих1райн к1унк1у уваврия махъаллил шайссар, канийн уч1аврил шарт1ру щаллу дуварча.

**Районналул АТК.**

## СИРИЯНАВУ ТАЛАЙ БУР

Сайки урч1ттуршахъул дагьусттанлув Сириянаву талай бушиву бувсунни, уттигьанну ДГУ-рал студенттурацалсса хьунабакъаврий РД-лул виваллил иширтталсса байсса министр Аьбдурашид Мах1аммадовлул

Министрнал бусаврийн бувну ми циняв инсантурах луга буккан баян бувну бур федеральный розыск. Министрнал мукунма к1иц1 лавгунни районну ва республикалийсса к1анттурду бандформованиярду хьхьич1унну шурушисса. Мигу хьанай дур къиблалул чулсса Дагьусттаннал районну ва зунттал районну: Шамильский, Хьунзахъиял, Гьуниннал, Ц1умадиял ва Ц1унт1иннал.

**"Дагьправдалия".**

**Р.Мах1аммадов**

## Ч1АЛАЙ УРА ИНА

Ч1иви кюрттараву хьуни хьуну махъ

Хьаругу палц1а т1ий леххай лелуххант

Бюхттулния ч1алай илкинсса арду

К1интнил минардайнмай лагай левххуну.

Бюхъу-гьунар лахъсса лакрал чиварк1гу

Мина дуван лагай маэшат бунин

Урттун татлай лич1ай къатригу лаккуй

Къуллугьрал хьаврин бай къат1ув лавгмигу.

Щунул хьархъаллава гьавагу бувну.

Къирим Алулкалин лавгсса Султаннул

Къирим татарная кулпатгу бувну

Миналулгу хьуна лакрал зумуну.

Ах1мадхан виричу дак1 къанкьа лачин

Хьап бусса дирисса лакрал каш бусса.

Зунттава итхьявхсса чару кунасса

Душмантал къат1 буван хьинну къанихсса.

Ц1урттал накьич дирхъу бюхттулсса ссавний

Душманнан дардисан ина дулайва

Ц1арал къавт1и хьуну шях ищайва га

Ссавнил заллу хьуну ина ухьувкун.

Сисаву за к1улшив пишалул ччаву

Вил дак1ниву дия, ххирая Ватан.

Сси бия душманнайн хуйна ххьявххусса

Ахъла барзу куна ххяххайва ганайн.

Вил ц1агу абадссар жул дак1урдиву

Ах1мадхан т1ий буссар оьрч1айн бавахъул

К1а Щунул хьархъаллай аврдал дяниву

Ч1алай ура ина к1юрххил ва къуннил.

## Ціуну бовсса оьрч1ру сиях1райн ласаврия

Аьрасатнал Федерациялул 25.06.1993 шинал № 52 42-1 " Аьрасатнал агьалинал ихтиярдайн бовну ца кланава цамур кланайн куч хьуну ялапар хьанансса клану язи бугьавриву Аьрасатнал Федерациялул лагрулий" законналийн бовну буржлув буллай бур Аьрасатнал агьали оьрмулул шиннах кьабурувгун кланттул сиях1райн ласун цивппа ялапар хьананхьисса ва цивппа ціуну куч хьусса кланттай Аьрасатнал Федерациялул лагрулий ( статья-3). Мюрщисса оьрчлан кланттул сиях1райн ласаву цингу 14 шин шаллу кьархьусса цаьк буллай бур 28 пунктрал.

Сиях1райн ласаврил ва лиххан баврил Аьрастанал Федерациялул агьали низамрайн бовну ялапар хьананхьисса кланттай сиях1райн ласайсса ва лиххан байсса низамрая цувгу цаьк

дурсса Аьрасатнал Федерациялул х1укмулийн бовну 17 июлланул 1998-ку шиналсса № 713.

Федерал законналул 15 ноябрьданул 1997-ку шиналсса № 143-ФЗ " Граждан агьалинал х1алкьазилия"- т1исса мунийн бовну нитти-буттал булун аьркинну бур аьрза ціуну бовсса оьрч1-душ, сиях1райн ласун ЗАГС-райн, оьрч1 бовну ца барз гьаннин.

Муния махь ЗАГС-райн аьрза булун махь оьрч1ал нитти-бутта буржлувсса цмла оьрч1 сиях1райн лахьан ан гьан, цивппа ялапар хьананхьисса кланттай.

Цивппа бовк1сса кланайн, ягу сиях1рая лиххан 14 шин хьун дурасса оьрч1ал ціания аьрза лавсун гьан аьркинссар оьрч1ал нитти-буттахьул, ягу опекунтал.

Агарда оьрч1ал нитти-бутта ялапар хьанай бухьурча

лич1ину, цила оьрч1 ялапар хьанансса клану бовч1ин нитти-бутта аьркинссар клул хьун 20 статья ГК РФ ва кулпатрал статья 65 СК РФ Аьрасатнал Федерациялул законналул.

Ціуну бовсса оьрч1, душ сиях1райн кьалавсун бухьурча. Агарда нитти-буттал цилва оьрч1 сиях1райн кьалавсун ялапар хьанай бухьурча, ларай к1иц1 бовсса куццуй, миннан клулну биклан аьркинссар Аьрасатнал Федерациялул кодексрайн бовну администрациялул т1ул дакьашиврийн бовну, му т1айла дакьашиву дурну т1ий нитти-буттай дишин бюхьайшиву оьрч1-к1иазарунния-шаназарда кьурушрайн дияннинсса.

**С.Аьлибекова**  
Ккуллал районналийсса РД-лул МПУМ ФС-рал хьунаманал буржру биттур буллалимур.

## Агьанмур-налогру щаллу даву

Декабрьданул 12-нийн Ч1яйннал шьраваллил жьаматрал собрание хьунни. Собрание дуллалисса баян бавуртту хьхьич1 кьинира ларч1ун дия шьраву, му дат1аврил сиптачиталгу ия шьраваллил ціуну ивтусса бак1чи Мах1аммадов Ися.

Собраниялийн гьуртту хьун бовк1ун бия районналул администрациялул зузалтту: Рамазанов Марис, Х1аммак1уева Альбина, Ибрагьимов Аьбид ва цаймигу.

Собрание т1ит1лат1исса ихтилат бовна Мах1аммадов Исял, ва бовсуна, налогру дат1авриву, Ч1яйннал шьравалу душиву махьсса ххуттаву. Мунингу савав багьанартту хьанай бур, шьравусса агьали шьраву бакьа ч1явуми шагь рурдай бушиву. Мукумма Ися Рамазановлул к1иц1 бовна, гьарца кьатлул цилашиврий бац1ан буллалисса зеленкарду бан аьркиншиву, к1иц1 бовна мукумма ишла дуллалисса лухччив, хьуру ціунил дач1ин аьркиншиву, ва миннуя налог дат1аву низамрайн рутан аьркиншиву. Цила ихтилатраву шьраваллил администрациялул бак1чиначал аьй-бювкьу дурна Ч1яйннал СПК-лул бак1чи Х1анапиев Мах1аммадлуй, цила бюхьу-х1арачат ялун личин бовну кьазий уну т1ий, ва дагьайсса налогру

кьадуллай т1ий. Собраниялий ихтилатраву бовна Х1аммак1уева Альбинал, Рамазанов Марислул, Ибрагьимов Аьбидлул, миннал к1иц1 бовну, налог му чара бакьа х1укуматрал дулун ккаккан дурсса дагьия душиву, ва махьаллил хьананхьаву цукунч1ав кьабуч1ишиву.

Собраниялий хьинну ххуйсса ихтилат бовна Аллагьвердиев Х1ажимусил, мунал цила ихтилатраву к1иц1 бовна налогру чанну дат1аву-му шьраваллил бак1 дургьуминнай цийрасса аьй душиву, ва бовч1ин бовна, Ч1яйннал жьамат мукумса ишираву дулара куну кьадуллайсса халкь бакьашиву, аьркинни шьраваллил бак1 дургьумий цивппа ч1умуй хьирив буккан увкуна.

Ихтилатраву бовна мукумма Ах1мадов Ах1мадлул, Оьмаров Мах1аммадлул, миннал жьаматрайнгу, СПК-лул бак1чи Х1анапиев Мах1аммадлуйнгу аьй-бювкьу дурна, ч1умуха лавхьхьун х1арачат буну кьазий буну т1ий.

Ахирданийгу ціуну увч1усса шьраваллил бак1чи Мах1аммадов Исял умуд бихьлай усса бовсуна цува, агьалийнал цила т1имургу бовну, ч1арав бац1анссар т1ий.

**А.Аьбдуллаев.**

### Прокурор бовч1ин буллай ур

## Аьралий кьуллугь буллалинал ихтиярдая

Гьарца аьралий кьуллугь буллалинахь дуссар " О статусе военнослужащего" т1исса Федерал законналуву ккаккан дурсса ихтиярду.

Аьралий кьуллугь буллалиссаннан дуссар цанна ккаккан дурсса распорядок уставрал т1алавшиннарайн бовну сакин дурсса. Распорядокрайн бовну аьскарнахь дуссар ихтияр гьарца кьини, общевойсковой уставрал ккаккан бовсса иширттал ч1умал лич1аннин, игьа лагансса ихтаяр, яний мййра ссятраяр чан бакьасса шану лахьансса ва цала иширттан ишла дуван к1ира ссят ккаккан дурсса.

Цала иш багьсса ч1умал булайссар 10 гьантлийсса отпускау : Му булайссар; -гьансса маччачув ( кулпат, нину, ппу, кулпатрал нину, ппу, арс, душ уссу, ссу ягу га тарбиялий ивк1имий зах1матну кьашай хьусса ч1умал ягу оьрмулуц1а хьусса ч1умал.

-пожар хьуну, ягу цамур аварасса иширайну кулпатран нигьач1ин хьусса ч1умал.

-цаймигу ишру хьусса ч1умал, чара бакьа га учлан аьркинсса иш бухьурча, воинский частьрал командирнал х1укмулух бурувгун. Отпуск лахьи буккан бувайссар ххуллхьсса гьантригу х1исав бовну.

-Аьскарнахь дуссар ихтияр цала ціуллушиву дуруччаврих аякьа дуллалаву командирнал буржри. Гай буржлувссар мюччаншиву дуруччин учениярду нанисса ч1умал, учениярдайн х1адур хьананхьисса давуртту дуллалиний, ярагь ва военная техника ишла буллалиний аьралий кьуллугь рац1ун дарх1усса цайми давуртту шаллу дуллалинийгу.

Аьскарнахь ихтияр дуссар уквасса медициналул кумаг т1алав бован, аьркинсса дарударманналул щаллу хьун военномедицинский подразделениеярдай ва частирдай ( ст.16. " О статусе военнослужащего" федеральный законналул.

Ихтияр дуссар культуралул шарт1ру ишла дуллангу воинский частирдай аьскартурахь ихтияр дуссар уква ишла буллан библиотекардал ва читальный заллал кьуллугьру, культурно-просветительный иширттан кьай ишла дуллан, спортивный

сооружениярду ва кьай ишла дуллансса, кино ва видеофильму ххал дуллансса " О статусе военнослужащих" Федеральный законналул 19 ст.)

Кьуллугь буллан увцусса аьскарнахь ихтияр дуссар почталий х1ин чагьарду т1айла буклан ва пачча х1лугьрал багьлун цала янна посылкалий т1айла дуккан. ( О статусе военнослужащих" федеральный законналул 20 ст.)

Кьараул бавривусса уставрал т1алавшинна кьадурчлаччима ( АьФ-лул УК-лул 342 ст) танмих1райн клунк1у увайссар ДВЧ-луву ац1ан увну, ягу 2 шинайсса дуснакь увайссар.

Аьскар уголовный танмих1райн клунк1у кьаувайсса ишругу буссар. Преступления дакьар цайнна иян ххяхлахьисса инсанная уручлай, гана биян бовсса зарал, яний цала ягу цаманал ихтиярду ва бияла буручлаччисса ч1умал, агьана ялун бивгьуну нанима обществалун зарал биян буллалисса усса ч1умал. Цала цува уруччинсса ихтияр дуссар гьарцаннахь, ганал хасьсса х1адуршинна дусса -дакьашиврух, кьуллугьрах кьабурувгун.

**А.Г.Тхамоков,**  
военный прокурор

## Ц1ийшиял школалий

Ххялт1а дуккайсса кунна хьунав хьувкун инсаннал зумувсса ккарччив, ххялт1а бовккун бур щархьавусса школардал классру. Мукум бухьурчагу школардайсса учительтал х1арачатрай бур цивппа зузисса кланттурдай дуклакки оьрчлан курт1сса клулшиву дулун, цивппа зузисса кланттай дуклакки оьрчлан гьарица шарт1ру дузал дан.

Ц1ийшиял шьравусса дянивмур даражалул школалул директор Паттахов Паттах1лул бусаврийн бовну школалий дуклай бур 33 дуклакки оьрч1.

Школа дузалну бур учительтурал кадрардал. Классирттаву дарсирдайсса дуклакки оьрчлан шарт1ру дузал дуллай, лавсун дур диялсса кланттул ччучлансса ччуччия.

Дуклакки оьрч1 ащал даимангу дайсса дур консультациярду, кружокру. Гьашину Ц1ийшиял дянивмур даражалул школалий ур увагу ца выпускник. Мунащал даимангу х1адур хьанай бур учительтал ЕГЭ-лийн х1адур уллай.

Умуд бишинну лакку улклуйсса школардай, оьрч1ал тяхьасса ч1урду ч1яву хьуншиврийн. **Жул корр**

## Дахлай буру кьазру

Ціуну дирххуну, кьувлуц1агу марц1 дурсса, лаккуйра фермалий хьуни дурсса кьазру (гусьру) дахлай буру ца кьаз 800 кьурушранну (ца кьазрай дур 3-4 кило клушиврул)

Ціусса шиналнин зунна кьазру ласун ччинаща бюхьайссар Ккулувн ва номерданийн оьвчин:

**8928-969-42-00.**

Редакциялул адрес  
368390, Республика Дагестан  
Ккуллал район, ш.Ваччи  
Издательнал адрес:  
Республика Дагестан  
Ккуллал район, ш.Ваччи

Газета регистрировать  
бувссар РФ-лул МТПР-лул  
Южное межрегиональное  
управлениялул.  
Регистрациялул номер  
ПИ № 10-4202

**Хьунама  
редактор  
А.И. Кьянчиев**

Газета бавт1уссар «Чаннац1уку»  
газетрал редакциялул компьютердай,  
бившуссар ГАУРД «Издательский дом  
«ДАГЕСТАН». Типографиялул адрес:  
367018. Мах1ачкьала, пр.  
Насрутдинова 61,

Буккайссар нюжмардий  
цал,  
Индекс: 51317  
тираж 620 экз. Газета  
итабакьин кьулбас дайсса ч1ун  
17. 00,  
кьулбас дурсса ч1ун 16. 00